

COVID-19 সংক্রমিত হয়েছে বলে সন্দেহ আছে এমন রোগীদের ব্যবস্থাপনার ধাপসমূহ

কারা এ সন্দেহজনক রোগী?

- রোগতাত্ত্বিক সংযোগ (গত ১৪ দিনের মধ্যে চীনে এবং অন্যান্য আক্রান্ত দেশে ভ্রমণের ইতিহাস আছে অথবা **COVID-19** আক্রান্ত রোগীর সংস্পর্শে এসেছে)
- সুপ্তিকাল (২-১৪ দিন)
- **COVID-19** সংক্রমণের লক্ষণসমূহ
 ১. জ্বর
 ২. কাশি, গলা ব্যথা
 ৩. মাথা ব্যথা, মাংসপেশীতে ব্যথা অথবা ম্যাজ ম্যাজ ভাব
 ৪. শ্বাসকষ্ট
 ৫. নিউমোনিয়ার লক্ষণসমূহ

সন্দেহ আছে এমন রোগী যাচাই-বাছাই করার লক্ষ্যসমূহ

- রোগ ছড়ানোর ঝুঁকি কমানোর জন্য যাদের **COVID-19** আক্রান্ত বলে সন্দেহ করা হচ্ছে তাদের থেকে এ ভাইরাসে আক্রান্ত হয়নি এমন মানুষদের আলাদা করা
- যাদের **COVID-19** আক্রান্ত বলে সন্দেহ করা হচ্ছে তাদের দ্রুত চিকিৎসার ব্যবস্থা করা, যেন তাদের সুস্থ হবার সুযোগটা বেড়ে যায়
- যে সব রোগী অসুস্থ, কিন্তু **COVID-19** দ্বারা আক্রান্ত হয়নি তাদেরকে প্রয়োজনীয় নির্দেশ/ঔষধ দিয়ে বাড়ী পাঠানো, অথবা চিকিৎসার জন্য অন্য হাসপাতালে পাঠানো। এটা করা হলে যে সব হাসপাতালে **COVID-19** রোগীদের চিকিৎসা হচ্ছে সেখানে রোগ সংক্রমণের আশংকা কমে যাবে

রোগী যাচাই-বাছাই এলাকা

- এ ধরনের সকল রোগীকে যাচাই-বাছাইয়ের জন্য অবশ্যই একটি নির্দিষ্ট স্থান হয়ে (রোগী যাচাই-বাছাই এলাকা) প্রবেশ করতে হবে
- সব রোগী যেন খুঁজে পায় এ জন্য রোগী যাচাই-বাছাই এলাকা দেখিয়ে দেবার জন্য পরিষ্কার চিহ্ন থাকতে হবে
- বাচ্চা/শিশুদেরকে অবশ্যই বড় মানুষদের সাথে রাখতে হবে

COVID-19 সম্ভাব্য আক্রান্ত রোগীদের দ্রুত সনাক্ত করণ

- মারাত্মক তীব্র শ্বাসতন্ত্রের সংক্রমণের (Severe Acute Respiratory Infection - SARI) রোগীদের মধ্যে নোভেল করোনা ভাইরাসে আক্রান্ত সন্দেহ করা হচ্ছে এমন রোগীদের সনাক্ত করা ও আলাদা করা
 - ✓ রোগীর সংজ্ঞা *(রোগতত্ত্ব, সুপ্তিকাল, রোগের উপসর্গ)

- ✓ হাসপাতালের আউটডোর/জরুরী বিভাগে আসা তীব্র শ্বাসতন্ত্রের সংক্রমণের (Severe Acute Respiratory Infection - SARI) উপসর্গসহ রোগীদের সনাক্ত করা ও আলাদা করা
- ✓ বিশেষ অবস্থায় (ভ্রমণ, জীবাণুর সংস্পর্শ) মারাত্মক তীব্র শ্বাসতন্ত্রের সংক্রমণের সম্ভাব্য কারণ হিসেবে **COVID-19** সম্ভাব্য রোগী হিসেবে বিবেচনা করা
- ✓ রোগী যাচাই-বাছাই করে রোগের তীব্রতা অনুযায়ী জরুরী চিকিৎসা শুরু করা

* **COVID-19** মারাত্মক তীব্র শ্বাসতন্ত্রের সংক্রমণঃ গত ১৪ দিনের মধ্যে মারাত্মক তীব্র শ্বাসতন্ত্রের সংক্রমণের সাথে জ্বর অথবা তাপমাত্রা $\geq 38^\circ$ সে ও কাশি, এবং হাসপাতালে ভর্তি হওয়ার দরকার এমন কেউ

COVID-19 আক্রান্ত সন্দেহকৃত রোগীদের দ্রুত সনাক্ত করা

- যে কোন মাত্রার শ্বাসতন্ত্রের তীব্র অসুস্থতাসহ যেকোন ব্যক্তি যিনি অসুস্থ হবার ১৪ দিনের মধ্যে নিম্নোক্ত যেকোন ধরনের সংস্পর্শে এসেছেন :
 - একজন লক্ষণযুক্ত নিশ্চিত **COVID-19** রোগীর সাথে সরাসরি সংস্পর্শে আসা অথবা
 - এমন কোন হাসপাতালে যাওয়া যেখানে **COVID-19** সংক্রমণ ঘটেছে

সন্দেহজনক ও নিশ্চিত COVID-19 রোগীদের সংক্রমণ প্রতিরোধ ও নিয়ন্ত্রণ

রোগী যাচাই-বাছাই পর্বে

- সন্দেহজনক রোগীকে সার্জিকাল মাস্ক দিন এবং রোগীকে আগে থেকে নির্দিষ্ট করা আলাদা করা জায়গাতে পাঠিয়ে দিন, যদি আইসোলেশন কক্ষ থাকে তাহলে সেখানে পাঠিয়ে দিন
- সন্দেহজনক রোগীকে অন্যান্য রোগীদের কাছ থেকে অন্ততঃ এক মিটার দূরে রাখুন
- হাসপাতালের সকল রোগীকে হাঁচি-কাশির সময় টিস্যু কাগজ বা কনুইয়ের ভেতরের ভাঁজ দিয়ে নাক-মুখ ঢেকে রাখতে নির্দেশনা দিন
- হাঁচি-কাশির অথবা খুতুর সংস্পর্শে আসলে ভালোভাবে সাবান পানি দিয়ে হাত পরিষ্কার করে ফেলুন
- রোগীর এক মিটারের মধ্যে গিয়ে কাজ করতে হলে সার্জিকাল মাস্ক ব্যবহার করুন। হাঁচি-কাশির ফোঁটা থেকে সাবধানতা অবলম্বন করলে হাঁচি-কাশির ফোঁটা দ্বারা শ্বাসতন্ত্রের ভাইরাস ছড়ানো প্রতিরোধ করা যাবে

কারা সন্দেহজনক ২০১৯-nCoV রোগী?


যে সব রোগী গত দু সপ্তাহের মধ্যে চীন ভ্রমণ করেছেন এবং নিম্নলিখিত লক্ষণগুলো দেখা গেছে

| দৃশ্যকল্প | পদক্ষেপ- হাসপাতালে পৃথকীকরণ অথবা বাড়ী পাঠিয়ে দেয়া | মন্তব্য |
|--|---|--|
| জ্বর $\geq 38^\circ$ সে. এবং ২০১৯-nCoV রোগীর সংস্পর্শে এসেছে | সন্দেহজনক ২০১৯-nCoV রোগী হিসেবে বিবেচনা করুন এবং হাসপাতালে ভর্তি করা প্রয়োজন কি না তা মূল্যায়ন করুন, হাসপাতালে অথবা বাড়ীতে আইসোলেশনে থাকার নির্দেশ দিন | আইইডিসিআর ২০১৯-nCoV নিয়ন্ত্রণ কক্ষে জানান <ul style="list-style-type: none"> • বাড়ীতে রোগীকে মাস্ক ব্যবহারের জন্য বলুন • বাড়ীতে রোগীকে পৃথক করে রাখুন, ২ সপ্তাহ |
| জ্বর $\geq 38^\circ$ সে. এবং উপরোল্লিখিত লক্ষণগুলোর দু'টি বা বেশী পাওয়া | সন্দেহজনক ২০১৯-nCoV রোগী হিসেবে বিবেচনা করুন এবং | আইইডিসিআর ২০১৯-nCoV নিয়ন্ত্রণ কক্ষে জানান |

| দৃশ্যকল্প | পদক্ষেপ- হাসপাতালে পৃথকীকরণ অথবা বাড়ী পাঠিয়ে দেয়া | মন্তব্য |
|--|---|--|
| গেছে, তার সাথে গত দু সপ্তাহের মধ্যে চীন ভ্রমণের ঘটনা আছে | হাসপাতালে আইসোলেশনে ব্যবস্থায় ভর্তি করুন | |
| জ্বর নেই, কিন্তু আগে জ্বর ছিল, দুটি বা তার বেশী লক্ষণ ছিল এবং ২০১৯-nCoV রোগীর সংস্পর্শে এসেছে | সন্দেহজনক ২০১৯- nCoV রোগী হিসেবে বিবেচনা করুন এবং হাসপাতালে আইসোলেশনে ব্যবস্থায় রাখুন | আইইডিসিআর ২০১৯- nCoV নিয়ন্ত্রণ কক্ষে জানান |
| জ্বর ≥ 38.0 সে. এবং অন্য কোন লক্ষণ নেই এবং ২০১৯-nCoV রোগীর সংস্পর্শের ঘটনা নেই, কিন্তু দু সপ্তাহের মধ্যে চীন ভ্রমণের ঘটনা আছে | <ul style="list-style-type: none"> প্যারাসিটামল (ব্যথা ও জ্বর কমাতে) এবং প্রয়োজনীয় ঔষধ দিন বাড়ী পাঠান ও ৪৮ ঘন্টা পর্যবেক্ষণ করুন যদি ৪৮ ঘন্টাতেও জ্বর না কমে তবে হাসপাতালে ফিরে আসতে বলুন | <ul style="list-style-type: none"> ৪৮ ঘন্টা পর শরীর আবার পরীক্ষা করুন বাড়ীতে মাস্ক ব্যবহারের জন্য বলুন বাড়ীতে রোগীকে পৃথক করে রাখুন, ২ সপ্তাহ |
| জ্বর নেই এবং অন্য কোন লক্ষণ নেই, কিন্তু ২০১৯-nCoV রোগীর সংস্পর্শে আসার ঘটনা আছে | <ul style="list-style-type: none"> বাড়ী পাঠিয়ে দিন কিভাবে নিয়মিত জ্বর মাপবেন সেটার পরামর্শ দিন যদি আবার জ্বর আসে তাহলে আবার হাসপাতালে ফিরে আসার পরামর্শ দিন | <ul style="list-style-type: none"> ৪৮ ঘন্টা পর আবার শরীর পরীক্ষা করুন বাড়ীতে মাস্ক ব্যবহারের জন্য বলুন বাড়ীতে রোগীকে পৃথক করে রাখুন, ২ সপ্তাহ |
| জ্বর ৪৮ ঘন্টার বেশী, অন্য কোন লক্ষণ নেই, ২০১৯-nCoV রোগীর সংস্পর্শে আসার ঘটনা নেই | <ul style="list-style-type: none"> মূল্যায়ন করুন লক্ষণগুলোর যথাযথ চিকিৎসা দিন | <ul style="list-style-type: none"> প্রয়োজনীয় চিকিৎসা ব্যবস্থা সম্পন্ন স্বাস্থ্য কেন্দ্রে পাঠিয়ে দিন |
| জ্বর নেই, ২০১৯-nCoV রোগের লক্ষণ নেই, কিন্তু চীনে ২ সপ্তাহের মধ্যে ভ্রমণের ঘটনা আছে | <ul style="list-style-type: none"> মূল্যায়ন করুন লক্ষণগুলোর যথাযথ চিকিৎসা, যদি থাকে | <ul style="list-style-type: none"> ৪৮ ঘন্টা পর শরীর আবার পরীক্ষা করুন মাস্ক ব্যবহার করুন বাড়ীতে রোগীকে পৃথক করে রাখুন, ২ সপ্তাহ |

- ব্যথা ও জ্বরের লক্ষণের চিকিৎসার মধ্যে প্যারাসিটামল অন্তর্ভুক্ত

রোগী যাচাই-বাছাই করে সিদ্ধান্ত নেবার ছক
(গত ২ সপ্তাহে চীনে ভ্রমণের ইতিহাস)
সন্দেহ করা যায় এমন ২০১৯- nCoV রোগীদের ব্যবস্থাপনা



* ২০১৯- nCoV রোগীদের সংস্পর্শে আসা

- গত ২ সপ্তাহে ব্যক্তিটি ২০১৯- nCoV রোগীর সেবা করেছেন

○ ক্লিনিক্যাল বৈশিষ্ট্য/ লক্ষণসমূহ

১. জ্বর ≥ 38.0 সে.
২. কাশি, গলা ব্যথা
৩. মাথা ব্যথা, মাংসপেশীতে ব্যথা অথবা শরীর ম্যাজ ম্যাজ করা